



Art. 1 Iscriziun dl concurs

La Cassa Raiffeisen Val Badia, scrí fora, tl adimplimënt de sües finalités statutares de sozieté cooperativa, por le setim iade, n concurs por l'assegnaziun de premies de stüde por l'ann de scora 2023/2024 y l'ann academich 2023/2024. Les premies é rerservades ai studënc che stlujará jö cun de bugn resultat, sciöche definis te chësc regolamënt, le stüde te istituc y scores de secundo gre (scora alta) o profescionales y cursc universitars de laurea de dötes les facultés frecuentá tla Talia o ince foradecá.

La partezipaziun al concurs é rerservada **ma** ai sozi, sciöche porsones fisiches, y ai fis y fies di sozi, che resultëia en la data de presentaziun dla domanda scric ite tl liber di sozi dla Cassa Raiffeisen Val Badia y che á n cunt pro la Cassa Raiffeisen Val Badia.

Art. 2 Sort de premies

Le premies é partides sö te trëi categories y al gnará ma tut en conscidraziun les domandes presentades che corespogn a chisc recursic:

- Categoria "A" - da 300,00 Euro por studënc dla scora secundara de secundo gre (scora alta) che ará arjunt le diplom de maturité tl ann de scora 2023/2024 cun na valutaziun minima de 95 sön 100 punc. La premia por la scora alta/profesionala pó ma gní assegnada un n iade: do la matura o do l'ejam de laurant artejanal cualifiché.
- Categoria "B" - da 300,00 Euro por stüdencc dla scora profesionala che ará arjunt le diplom de laurant artejanal cualifiché tl ann de scora 2023/2024 cun na valutaziun minima de 9,50 sön 10 punc. La premia por la scora alta/profesionala pó ma gní assegnada un n iade: do la matura o do l'ejam de laurant artejanal cualifiché.
- Categoria "C" – da 500,00 Euro por studënc dla université che ará arjunt la laurea tl ann academich 2023/2024 cun na valutaziun minima de 105 sön 110 punc por i cursc universitars talians o cun n resultat corespondënt söla basa de tabelas de converjiun por les universités foradecá. La premia por la laurea pó ma gní assegnada un n iade: o do i trëi o do i cater/cin'agn.

L'assegnaziun dles premies de stüde vëgn stabilida dal Consëi d'Aministraziun dla Cassa Raiffeisen Val Badia cun na dezijiun definitiva söla basa dla gradatöra dles domandes aladô dl mirit.

1) I concorënc che á frecuenté istituc y scores d'istruziun secundara de secundo gre (scora alta) o profescionales tl ann de scora 2023/2024 mëss desmostré da avëi i recursic indicá dessura cun n zertificat relascé dala scora o dal istituc ch'ai á frecuenté.

Dal concurs é stlúc fora i studënc repetënc.

2) I concorënc che é stá scric ite a cursc universitars por l'ann academich 2023/2024 mëss desmostré da avëi i recursic tres n zertificat relascé dala Universitè cun la valutaziun finala.

L'eté mascima di studënc universitars, che n'á nia lauré tratan le stüde, ne podará nia avëi superé 30 agn en la data de presentaziun dla domanda.

L'eté mascima di studënc univeresitars che á lauré tratan le stüde ne podará nia avëi superé 35 agn en la data de presentaziun dla domanda.



Raiffeisen
Cassa Raiffeisen Val Badia



Art. 3 Termo por la domanda

La domanda de tó pert al concurs messará gní scritta fora y dada jö pro les portines dla Cassa Raiffeisen Val Badia cina ai 30 de setëmbër 2024.

Ala domanda mëssel gní injunté chisc documënc:

Le zertificat dla scora o dla université indiché ti puné preandënc 1) y 2)

Na fotografia sön suport informatich da ortié ala misciun de posta eletronica dla Cassa Raiffeisen Val Badia:
stefanie.dapoz@raiffeisen.it

La detlaraziun de "consëns por le tratamënt di dac personai - D.lgs 196/2003" por podëi adoré la fotografia y i atri dac por fins interns.

Art. 4 Gaujes d'esclujun

Al concurs ne pó nia tó pert studënc repetënc.

Stlúc fora dal concurs é i studënc che n'á nia lauré tratan le stüde y che á complí 30 agn en la data de presentaziun dla domanda.

Stlúc fora dal concurs é studënc che á lauré tratan le stüde y che á complí 35 agn en la data dla presentaziun dla domanda.

Stlúc fora dal concurs é i sozi y i fis y fies de sozi scric ite tl liber di sozi sciöche persones iuridiches.

Stlúc fora dal concurs é i studënc che n'á en la data de presentaziun dla domanda nia n cunt por la Cassa Raiffeisen Val Badia.

Stlúc fora dal concurs vëgn i studënc che presentëia la domanda cun la documentziun nia completa o do ch'al é tomé le termo.

Art. 5 Comunicaziun di resultaé y surandada dles premies

Do la formaziun dla gradatöra gnará i assegnatars avertis dala Cassa anter le mëis d'otober tres na lëtra cun indicaziun dl post y dla data de surandada dla premia.

La gradatöra suradita gnará ince publicada söl sit internet www.raiffeisen.it/valbadia y sön nüsc social networks.

Art. 6 Privacy

Alado dl art. 13 dl D.Lgs. nr. 196/2003, gnará düc i dac abiná adöm tratá sciöche dac sensibli y anuzá ma por l'assegnaziun dles premies.